



Yam Niam Thiab Txiv Yuavtsum Paub Txog Menyuum Uas Khiav Tawm Ntawm Tsev

What Parents Should Know About Runaways

Dabtsi thiaj xam tau tias tus menyuum khiav tawm ntawm tsev?

Ib tug menyuum yuav xam tau tias khiav tawm ntawm tsev yog nws tsis tau muaj 18 xyoo thiab tawm lub tsev uas tsis tau kev tso cai ntawm niam thiab txiv, TSHWJ TIAS tus menyuum:

- Muaj txwj nkawm lawm LOSSIS
- Muaj ntaub ntawv tswj ntawm tsev hais plaub los tias nws nyob nrug tsev tau.



Kuv ua tau licas yog tias kuv tus menyuum khiav lawm?

Koj muaj feem hu rau tub ceevxwm thiab ua ntaub ntawv txog tias menyuum ploj lawm. Cov tub ceevxwm yuav txiav txim kom ntxaws txog tias seb puas yuav nrhiav tus menyuum uas khiav tawm tsev lawm. Lawv yuav soj ntsuam tej yam xws li tus menyuum hnuv nyoog thiab seb nws txoj kev xav mus licas. Yog koj muab tau ib qhov chaw nyob uas tus menyuum mus nyob ntawd, cov tub ceevxwm yuav mus nrhiav tus menyuum ntawd.

Yog tub ceevxwm nrhiav tau kuv tus menyuum ces yuav ua licas tauj?

Tub ceevxwm mam li txiav txim tias yuav ua licas. Tejzaum tub ceevxwm kuj yuav muab daim pib rau tus menyuum khiav tawm tsev (kuj hu ua “pib nplua”). Lossis tejzaum tub ceevxwm kuj yuav hais lus ceebtoom rau tus menyuum. Tub ceevxwm kuj muajfeem txiav txim seb puas koj tus menyuum los tsev, lossis mus chaw nkaum “shelter”, lossis cia tus menyuum nyob twjywm qhov chaw ntawd.

Kuv tus menyuum puas yuavtsum mus nram tsev hais plaub yog tias nws tau daim pib nplua kev khiav tawm tsev?

Yog niam thiab txiv nug kom tsev hais plaub tshem tawm daim pib khiav tawm tsev, ces tejzaum tus menyuum yuav tsis tau mus nram tsev hais plaub. Yog daim pib tsis muaj kev tshem tawm, tus menyuum thiab leej niam txiv yuav tau mus nram tsev hais plaub.

Dabtsi tshwmsim hauv tsev hais plaub?


Cov txheej txheem txawv ib nroog mus rau ib lub nroog. Yog tias rooj plaub ntawd mus txog nram tsev hais plaub, muaj feem yuav muaj ob peb rooj plaub hais. Tsev hais plaub yuav mloog cov lus ntawm tub ceevxwm, tus kws lijchoj sawv cev lub nroog, thiab mloog tus menyuam thiab tsev neeg. Tsev hais plaub mam li txiav txim seb tus menyuam puas yog neeg khiav tawm tsev tiag, thiab seb cov kev pab zoo licas thiab zoo rau tus menyuam thiab tsev neeg.

Kuv tus menyuam yuav tau cov kev pab licas?

Tsev hais plaub muaj feem yuav pom tau tias tus menyuam “yuavtsum tau kev tiv thaiv lossis kev pabcuam.” Tej zaum tus kws txiav txim yuav pom hais tias tus menyuam “yuav tsum tau kev tiv thaiv thiab pab.”

Nws muaj feem tswj kom tus menyuam nyob tsev. Nws

kuj muaj feem tswj ib co kev pabcuam los rau tus menyuam thiab niam txiv. Cov kev pabcuam tejzaum yuav yog kom mus nrog niam thiab txiv qhuav nyob, tus kheej lossis tsev neeg mus koom kev sib tham, niam txiv mus kawm hoob qhiv ua niam txiv, lossis mus txiav yeeb tshuaj. Txawm tias tsev hais plaub tsis tswj kom muaj cov kev pabcuam no los, tsev neeg muaj feem mus muab cov kev pab no rau lawv tus kheej. Tsev hais plaub muaj feem tswj kom tus menyuam them nqi nplua lossis mus ua haujlwm pub dawb hauv zej zog. Tsev hais plaub kev cuam tshuam muaj feem yuav pab tau tej thaum, tiamsis tsis txhais tias yuav daws tag koj qhov teebmeem.



Kuv puas yuavtsum ntiav kws lijchoj?

Yog koj khwv nyiaj tsis tau ntau, lub nroog **yuav** taw ib tug kws lijchoj dawb los sawv cev rau koj lossis koj tus menyuam. Nyob rau txhua rooj plaub, koj thiab koj tus menyuam muaj cai ntiav kws lijchoj rau neb tus kheej, yog koj xav tias koj xav tau ib tug.

Yog lwm tus neeg coj kuv tus menyuam mus uas tsis tau kev tso cai ntawm kuv ne?

Tus neeg ntawd muaj feem yog ib tug “zais neeg khiav tawm tsev.” Nws yog kev txhaum cai thaiv leej niam txiv txoj kev rau lawv tus menyuam. Tus neeg ntawd muaj feem raug txim tias tau pab kev ua txhaum ntawm ib tug menyuam tsis tau muaj 18 xyoo. Tub ceevxwm feem ntau yeej tsis muab lub txim “zais neeg” tshwj tias ho muaj lwm yam txhaum cai cuam tshuam nrog.

Ua ib leej niam txiv, kuv yuav ua tau dabtsi pab kuv tus menyuam thiab tsev neeg?

- **Mus koj tus menyuam txhua rooj plaub hauv tsev hais plaub thiab** nug txog yam koj tsis to taub.
- **Sau cov npe thiab xovtooj cia ntawm txhua leej** uas cuam tshuam nrog rau koj tus menyuam rooj plaub – pivtxwv, cov khiav ntaub ntawv saib xyuas nws, cov khiav ntaub ntawv tiv thaiv menyuam, thiab lawv cov nais haujlwm.

- **Yog koj xav tias koj tus menyuam yuav rov qab khiav dua, sim npaj tswvyim** kom muaj chaw nyabxeeb uas nws khiav tau mus rau. Tejzaum koj yuav xav cia koj tus menyuam mus nyob nrog ib tug txheeb ze ib ntus. Cia lawv nws paub tias qhov no yog ib txoj kev ua tau. Lwm txoj kev xaiv yog taug qab seb puas muaj chaw nkaum rau cov menyuam uas khiav tawm tsev nyob koj lub nroog. Tejzaum koj tus menyuam muaj feem mus nyob tau ntawd ib ntus.



- **Siv cov kev pab uas muaj nyob rau thajtsam uas koj nyob.** Tejzaum koj thiab koj tus menyuam muaj feem tau txais kev pabcuam los hauv lub zos. Xws li kev pab txog yeeb tshuaj thiab pab rau tsev neeg sib tham, qhia ua leej niam txiv zoo, zov menyuam, pab txog txoj kev nyuaj siab, thiab pab tus kheej. Cov kev pabcuam no txawv ib lub nroog mus rau ib lub nroog. Mus nrhiav kev pabcuam rau koj thajtsam hu rau 2-1-1 hauv thoob lub xeev. Koj muaj feem ntaus koj tug zauv xaus ntawm koj qhov chaw nyob “zip code” mus rau tus xovtooj 898-211 kom tau cov kev pab hauv zos lossis tham tau hauv online ntawm www.211unitedway.org

“Leej niam txiv” yog lo lus siv hauv daim ntawv no los txhais tias niam thiab txiv, tus neeg muaj cai saib xyuas lossis tus neeg muaj cai tu menyuam.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2022 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.